

(<https://news.usm.my>)

Berita Mutakhir ▼

# 16 SEP PELAJAR USM BERBAKTI UNTUK PROGRAM KESUKARELAWANAN YSS DI LAOS PDR



PULAU PINANG, 16 September 2017 - 4 Pelajar Universiti Sains Malaysia (USM) sekali lagi berbakti pada masyarakat dunia apabila kali ini terlibat dalam misi kesukarelawanan pelajar MoES Yayasan Sukarelawan Siswa (YSS) di daerah Sangthong, Vientiane, Laos PDR.

Pelajar USM berkenaan tediri daripada Muhd Nadzmi Bin Abd Rahim di Ban Thanasa; Hajeriah Bosman dan Muhd Zulfakar Bin Zailani di Ban Pakton; dan Nur Atikah Binti Fauzi di Ban Sampana yang akan berada di program yang dijadualkan pada 15 - 27 September 2017.

Jumlah keseluruhan sukarelawan adalah seramai 50 orang dari IPTA, IPTS, Kolej Komuniti dan IPG yang berbakti berobjektifkan untuk melahirkan seorang pemimpin sukarelawan yang bertaraf global.

Terdahulu majlis pembukaan program dirasmikan oleh Duta Malaysia di Laos PDR, HE Mohd Aini Atan dan Naib Presiden NUoL, HE Madame Somchanh Bounphanmy. Turut hadir ialah Pengurus Yayasan Sukarelawan Siswa, Dato' Zuraidah Atan.

Yayasan Sukarelawan Siswa (YSS) dilancarkan pada tahun 2012 sebagai entiti yang dimiliki sepenuhnya oleh Kementerian Pendidikan Tinggi (KPT) dan mendokong visi untuk membangunkan Malaysia sebagai hub sukarelawan pelajar dan menghasilkan ikon sukarelawan pelajar global.

YSS bertekad untuk melaksanakan misinya untuk menggalakkan, mendidik dan membimbing pelajar institusi pendidikan tinggi untuk mempromosikan keamanan dunia dan memupuk semangat melalui jaringan komuniti di dalam dan di luar negara.

Teks: Hafiz Meah Ghouse Meah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>). | USM News Portal. Hakcipta Terpelihara USM 2015